



泉史卷第五



唐錢



真書



篆書



鎮洋盛





元字
左挑



元字
右挑



元字
左挑



元字
左挑



元字
左挑



元字
右挑



元字
左挑



元字
右挑




穿上仰月
穿角橫文




兩角
斜月



穿上橫文
穿左直文



穿右
直文



穿上
二橫



上下
橫文



穿下
側月



穿上
仰月

右唐開元通寶各種錢十有四品杜佑通典天寶中諸州
 凡置九十九鑪鑄錢絳州三十鑪揚潤宣鄂蔚各十鑪益
 鄧郴各五鑪洋州三鑪定州一鑪約每鑪役丁匠三十人
 每年除六月七月停作餘十月作十番每鑪約用銅二萬
 一千五百二十斤白鐵三千七百九斤黑錫五百四十斤
 約每貫錢用銅鐵錫價約七百五十文丁匠在外每鑪計
 鑄錢三千三百貫約一歲鑄錢三十二萬七十餘貫文鄭
 樵通志開元錢文字含八分及篆隸體其詞先上後下次
 左後右俗謂之開通元寶及鑄軋封新錢乃同流俗軋字
 直上封字在左尋惟錢文之誤軋封二年正月詔曰開元
 通寶高祖創之太宗承之萬代之法也軋封新錢不須更
 鑄仍令天下畧鑄之處鑄開元通寶錢舊唐書六十四年



細緣



細緣



潤緣



潤緣



穿右
仰月



穿下
雙星




穿右兩
直文



穿右穿上
四柱仰月

始行開元通寶錢給事中歐陽詢制詞及書洪志云開元
錢唐高祖始鑄其後高宗乾封肅宗乾元以至大曆建中
咸通各因年號以名錢然行之不久惟開元錢唐三百年
治鑄相繼故流傳至今甚多談賓錄云初進蠟樣日文德
皇后搯一甲跡故錢上有搯文今按新舊唐書並云置錢
監於洛并幽益等州則此幕文當是鑄錢者私為標識耳
况肅宗之乾元以及漢元周元宋元俱有類此者其非甲
痕可知且幕文上下左右其痕不同安得一一搯之耶畫
漫錄又云武德初鑄錢乃竇后甲痕而今流俗以為明皇
時楊太真搯指甲痕訛以傳訛誣妄可笑洪志引李孝美
云元字左挑俗甚愛重今世所見尚多惟右挑絕少洪志
亦未及載余所藏左右挑皆備又有通字末筆挑起者幕

文各種不同悉錄之以供好古者采覽



右高宗乾封泉寶錢舊唐書食貨志乾封元年封岳之後
改造新錢文曰乾封泉寶新唐書食貨志乾封泉寶錢徑
一寸重五銖六分以一當舊錢之十此品肉好周正字體
豐滿制作與開元小異而甚精美





以上三品
名十寔錢



元字
右挑



元字
左挑



穿右
斜文



穿下
偃月



細緣
左挑



穿下
橫文






細緣



穿下
側點



穿下
偃月





小重輪




大重輪

右肅宗乾元重寶大小各種錢十品唐食貨志肅宗乾元元年使第五琦鑄乾元重寶錢徑一寸每緡重十斤與開元錢


參用以一當十號乾元十當錢洪志引唐肅宗實錄乾元二年九月戊辰新鑄重輪大錢李孝美云重輪錢大者極厚制作精好徑寸五分重十四銖錢錄引舊唐書乾元元年第五琦請鑄十當錢二年又請更鑄重輪一當五十詔從之按此則乾元錢似止於當十當五十小大二種考寶應元年改行乾元錢一以當三乾元重稜小錢一以當二重稜大錢一以當三尋又改行乾元大小錢並一以當一則重輪之輪又作稜且非獨大錢有重輪矣余所藏元字亦有左右挑幕文側點橫文偃月斜文形模各別且同一小錢而有細緣闊緣輕重小大之殊亦如開元錢之各式不同也



右代宗大曆元寶錢大曆四年正月於絳州汾陽銅原兩
監增置五鑪鑄見唐書食貨志



右德宗建中通寶錢德宗從戶部侍郎韓洄言復洛源廢
監起十鑪鑄錢見舊唐書此錢與大曆錢流傳絕少吳陶
宰頗疑洪志所圖未為實錄然余在翁宜泉先生齋中實
見之制甚古雅非贗品也惟洪志有懿宗咸元通寶錢終
未及見曩在都門市肆中見之質薄而色膩贗作無疑



右開元大錢一品開元錢終唐之世不廢鼓鑄不能辨其錢為某年所鑄考舊唐書食貨志建中初判度支趙贊採連州白銅鑄大錢一當十亦不言其錢文然建中大錢世所未見或所鑄仍用舊號耶此錢係山陽劉茂才元方所贈者舊為山夫吳氏家藏精美絕倫洵推上品



京口 (京字穿下偃月)



藍字
仰月



右角洪字
穿上仰月

宣字
偃月

開通元寶

開通元寶

開通元寶

開通元寶

開通元寶

開通元寶

開通元寶

開通元寶

潤

潤
潤字偃月

鄂

平

興

梁

廣

梓



右武宗會昌開元各種錢二十五品按會昌錢共二十有三余缺揚字而藍洪潤各有兩種洪志引舊譜武宗從淮南節度使李紳請令天下各以州名鑄錢京兆府以京字

洛陽以洛字揚州改昌字為揚字

昌即會昌年號

西川以益字藍

田縣以藍字襄州以襄字江陵府以荆字越州以越字宣

州以宣字江西以洪字湖南以潭字兗州以兗字浙西以

潤字鄂州以鄂字平州以平字興元府以興字梁州以梁

字廣州以廣字東川以梓字福州以福字丹州以丹字梓


陽監以桂字李孝美言會昌揚字錢終莫之見疑當時已

行昌字而未之改耳謹按


欽定錢錄實有揚字開元錢藏諸

內府是當時亦曾經開鑄也選錢齋筆記又收道字錢復引張端木錢述謂二十三種外又有西字陽字武字錢續文獻通考宋寶祐間仙遊縣南橋溪上魁星祠前溪中涌出開元錢背文有閩字者今皆不及見也其幕文標識仰



月偃月側文橫文不一且有同一字而或在穿上或在穿
右或在斜角者姑就所見者記之



右會昌鐵錢七品按洛昌二品選錢齋亦有之而無襄荆
越潭梓別有潤洪藍三品唐會昌錢是奉勅銷燬銅鐘佛
像僧尼銅器所鑄者此鐵錢疑是當時私鑄也



右史思明得壹元寶錢二品一濶緣一細緣思明據東都
所鑄以一當開元之百見舊唐書吳陶宰云圖書集成引
後唐書朱守殷奏於積善坊後得古錢四百五十六得壹
元寶四百四十順天元寶十六守殷進納勅曰凡窺奇異
盡係休明所獲錢文式昭元既得壹者佇歸於一統順天
者式契於天心道煥一時事光千載殊休繼出信史必書
宜付史館夢溪筆談曰熙寧中嘗發地得大錢三十餘千
皆順天得壹在廷皆疑古無此錢年號莫知何代此二事
先後若出一轍兩朝侍從不應寡聞若是蓋以後唐時劉
書未出宋神宗朝新舊二書亦不易得學者無從考訂故
也



右史思明順天元寶錢二品後一品幕有仰月銅質厚重而色晦黯蓋鑄錢時鉛多於銅故也唐食貨志思明惡得壹非久長之兆故改其文曰順天元寶洪志引張台云得壹順天思明銷洛陽銅佛所鑄賊平之後還將鑄佛今所餘伊洛間猶多

泉史卷第五

泉史卷第六

五季諸國錢

鎮洋盛大士子履編




右後唐明宗天成元寶錢五代史同光四年丙戌明宗即


泉史卷第六
位改元天成禁鎔錢為器二年令買賣使八十陌錢四年
禁行使鐵鑪錢此錢疑即當時所鑄而史不著其錢文




右後晉高祖天福元寶錢天福三年令三京鄴都諸道州
府並許鑄錢以天福元寶為文左環讀之委鹽鐵司鑄樣
頒下諸道見五代史續通典天福元寶每一錢重二銖四
參





右天福鎮寶錢其文自上及下先左後右曰鎮寶者亦如
元寶通寶重寶之各異也洪志引李孝美讀作天鎮者非
是宜從董道之說作石晉所鑄黎字是記所鑄之地也吳
陶宰以為黎字从利从人从小盖取有利小人之意其言
穿鑿附會



右後漢漢元通寶錢二品後一品幕文雙月按此錢舊譜或以為後漢高祖所鑄或以為隱帝所鑄史無明文然漢元與周元相同宋初亦鑄宋元錢則其為後漢無疑也




右後漢乾祐元寶錢按五代漢高祖劉智遠年號乾祐高祖卒隱帝承佑立仍稱乾祐至後周太祖廣順元年北漢世祖稱帝仍稱乾祐四年世祖卒孝和帝亦稱乾祐又南宋孝宗乾道中西夏主亦稱乾祐則此錢究不知為何時所鑄姑附於漢元之後




右後周世宗周元通寶錢四品五代史世宗即位之明年廢天下佛寺三千三百三十六是時中國乏錢乃詔毀銅佛鑄錢洪志引蘇耆開潭錄世宗於後殿設巨鑪數十親視鼓鑄




右周元通寶鐵錢十國春秋云蜀用鐵錢多於邊界鑄之精工與銅相類故當時各國皆有鐵錢後周亦有之



右周元大錢一品重一兩制作甚工選錢齋筆記錢志新編皆載之



右南唐元宗保大元寶錢錢志新編引王圻稗史保大元寶南唐元宗鑄按此錢今世流傳甚少余於錢同人家曾見之




右元宗唐國通寶錢三品前一品篆書中一品楷含分隸
 後一品真書通考五代承用唐錢南唐鑄唐國通寶如唐
 制而篆文今按此錢不止篆文特楷少於篆耳




右唐國通寶大錢一品亦見錢志新編




右元宗大唐通寶錢馬令南唐書元宗鑄大唐通寶錢與唐國錢通用




右大唐通寶鐵錢



右元宗永通泉寶錢通考李璟既失江北困於用兵鍾謨請鑄大錢以一當十文曰永通泉寶




右永通泉貨錢亦元宗鑄見馬令南唐書制作同於泉寶而精美過之




右前蜀高祖王建永平元寶錢二品洪志錢文楷書此則篆真二體蜀錢流傳頗多而永平甚少





右王建通正元寶錢




右王建天漢元寶錢五代史天漢元年改國號漢




右王建光天元寶錢五代史光天元復國號蜀光天錢
光字作艸書狀吳陶宰云錢文帶艸於此始見



右蜀後主王衍乾德元寶錢十國春秋乾德元年鑄乾德元寶錢按此錢較天漢光天差為精整惟咸康錢則銅質甚粗字亦較劣




右王衍咸康元寶錢洪志通正天漢光天乾德各重三銖獨咸康重三銖三參





右後蜀孟知祥明德元寶錢後蜀高祖孟知祥於後唐愍宗應順元年稱帝改元明德此錢即其時所鑄也或因前明安南國亦有明德年號故目之為安南錢然此品制作較安南錢差小而與永平光天無異故定為蜀錢



右後蜀孟昶廣政通寶錢明德元年知祥卒子昶立不改元五年始改廣政




右吳越王錢鏐寶正通寶錢後唐莊宗同光四年吳越王之寶正元年也五代史不言吳越鑄錢事諸家譜錄亦皆不載然此錢精整絕倫審非贗作




右南漢劉龔乾亨重寶錢梁貞明三年龔即位國號大越改元乾亨




右乾亨重寶鉛錢二品後一品幕文穿上有仰月形龔以
國用不足鑄鉛錢見十國紀年



右楚馬殷天策府寶大錢馬殷於後梁時封為楚王殷請
依唐太宗故事開天策府置官屬梁太祖拜殷天策上將
軍洪志引董道云馬殷據湖南八州地鑄天策府寶




右馬殷乾封泉寶大錢洪志引十國紀年楚史曰馬殷鑄鉛錢行於城中城外即用銅錢賈人多銷鉛錢持過江北高郁請鑄鐵錢圍六寸文曰乾封泉寶以一當十錢既重厚市肆以券契指塚交易又湖南故事馬殷置鐵冶鑄大錢圍可六寸重非銖兩用九文為貫文曰乾封泉寶其文上乾其數上九遂通用焉按楚史及湖南故事皆云鐵錢而洪志所收乃是銅質是當時銅鐵兼鑄也此品亦係銅鑄重一兩二錢有奇堅厚過於常錢幕有天府二字蓋殷既開天策府而作此標識省去策字直云天府亦可謂夜郎自大矣諸譜皆未及載此係山陽趙君瑞卿所贈者瑞卿贈余古錢佳品甚多而此品尤為奇絕




右閩王審知開元鐵錢濶寸餘質甚麤重五百文為一貫



見洪志



右閩王璘龍啓通寶錢璘審知之弟於後唐明宗長興四年稱帝改元龍啓此錢不見於舊譜曩余游浙東得之於金華道中人皆不知其為閩錢其知王璘年號者則又疑其偽託然制度精整必非俗工所造也又聞友人有藏白龍通寶大有通寶二錢按五代史劉龔改乾亨九年為白龍元年又改白龍四年為大有元年則此錢當是南漢物而銅色臃滯或作偽者託隱僻年號鑄此以炫人耳



右閩王延義永隆通寶大錢延義審知少子即位更名曦
改元永隆




右永隆通寶鐵錢永隆四年鑄大鐵錢徑寸四分重十銖
三參文曰永隆通寶以一當十當鉛錢之百見洪志



右閩王延政天德通寶錢延政延義弟也延政於晉天福
八年改元天德



右天德重寶鐵錢洪志引十國紀年閩史天德二年鑄大鐵錢董道曰此錢背文穿上有殷字



右天德重寶小鐵錢亦延政作而無殷字



右幽州劉守光應天元寶錢幕有万字見洪志

泉史卷第六



